

**Protocol no. 39**  
**Sezzüda da mardi, 16 october 2012, 20.00 – 23.00**

**Preschaints:** Albert Mayer, Men Caviezel, Dumeng Jann,  
Marianne Werro-Lehmann ed Andri Poo (notizchas d'acta)

**S-chüsà:** Angelo Andina, actuar ad hoc.

Siand cha l'actuar ad hoc nun ha pudü esser preschaint, scriva Andri Poo alch notizchas d'actas. L'actuar metta in pagina quist protocol tenor quellas notizchas.

## **320 ORIENTAZIUNS**

1. Transfuormatur nouv Chavorgia  
Reguard l'idea dal Cussagl, dad installar ün transfuormatur nouv da la forza electrica illa regiun Chavorgia, sun entradas trais chartas (Roger de Weck 26.09.2012, Krähenbühl Fretz 09.10.2012 e Wanzenried. Las chartas as referischan sül privel da radiaziuns (Elektrosmog) e sün immisiuns da rumurs. Andri Poo ha contactà ils duos proprietaris da chasa ed organise-scha üna sezzüda cun tuot ils vaschins da l'implant ad üna sezzüda per tscherchar soluziuns.
2. Statistica da fabrica e collaudaziuns  
Christian Poo e J.C. Felix fan insembel la statistica da fabrica. Implü es Christian Poo pront, da manar tras tschertas collaudaziuns, insembel culla cumischiun da fabrica.
3. Sculptura da G. Honegger  
Gottfried Honegger, ün cuntschaint artist svizzer, creschü sü per part a Sent, voul regalar, insembel cun duos collecziunists al cumün da Sent üna da sias plü cuntschaintas sculpturas. Ils cuosts pel transport e per l'installaziun sto surtour il cumün. Il Cussagl accepta il regal e scriva üna charta d'ingrazchamaint. Uossa esa da chattar ün lö adattà per plazzar la sculptura.
4. substitut caluoster  
Curdin Horber ha demischiunà sco substitut dal caluoster. Il Cussagl da baselgia propuona a sar Gisep Stricker sco nouv substitut. Il Cussagl cumünal elegia a Gisep Stricker in quista plaiv.
5. EE proprietaris Energia Engiadina  
Il cumün da Sent surpiglia il secretariat da la radunanza da proprietaris EE ed Andri Poo es gnü elet sco president da la giunta da direcziun.
6. Peder Buchli; jenna Soblantin  
Sar Peder Buchli ha eret our d'aigna iniziativa ün jenna per pussibiltar il trafichar da glied scha la bescha pasculescha sülla costa Soblantin. Il Cussagl scriva üna charta d'ingrazcha-maint.

7. PEB: progets cun importanza regiunala

Uriuntamaing d'eira planisà, da suottametter amo in november da quist on a la radunanza cumünala l'idea per fuondar ün fondo per sustegner progets regiunals importants. Uossa ha la radunanza da la PEB decis als 09.10.2012, da laschar decider ils cumüns pür l'on 2013. Quai pervi chi ston gnir scleridas amo dumondas giuridicas.

8. Allianza illa Alps; seminar als 26.10.2012 a Worblaufen

Il seminar as cunfuonda cun la tecnologia da spectrum larg per regiuns periferas. Quista tecnologia da telecomunicaziun exista impustüt i'ls centers. Las regiuns periferas nu profitan amo da quista spüerta. Men Caviezel nu po tour part al seminar. Eventualmaing piglia part Jon Carl Rauch.

9. Chanalizaziun Curtinaglias

Il Cussagl cumünal piglia cogniziun da las infuormaziuns dad Andri Poo. Duonna Isabel Koch renda attent cun e-mail dals 09.10.2012, cha la chanalizaziun in Curtinaglia saja pro plövgia surchargiada i chi detta adüna darcheu problems pervi dad ün don vi da la chantalisaziun. Il cumün scriva ün charta a duonna Koch, cha'l cumün prevezza masüras da sanaziun i'l preventiv 2013 ed i'l plan da finanzas.

10. BAB chava da glera Tramlai

Il cumün ha inoltrà al Chantun üna dumonda al Chantun per pudair manar inavant la chava da glera Tramlai. I's tratta d'ün proget per fabricats dadour la zona. Il Chantun ha intant annunzchà per telefon, chi pudess dar problems regard ün permiss. Las organisaziuns per la protecziun da la natüra mettan in dumonda quist lö per üna chava da glera. Andri e Men tscherchan da cumbinar ün termin cul WWF e cun Pro Natura per discuter la fatschenda.

l'actuar ad hoc:  
A. Andina